

اعلیٰ درجہ

جیتو

سراپکی غزل

مرتب

حیدر قریشی

ناشر

جدید ادب پبلی کیشنز خان پور

تعاون

ممتاز اکیڈمی بھٹہ واہن

(بھی حق بھیکے بن)

کتاب داناں _____ سرانیکی نزل

مرتب _____ حیدر قریشی

گنتری _____ ترے سو

چھٹی دی تاریخ _____ ستمبر ۱۹۸۰ء

سرورق _____ شفیق فاروقی

کتابت _____ عطا اللہ طارق دھیرجہ

چھاپے دے مالک _____ ریاست حسین خان

چھاپے داناں _____ نامی پریس پینسہ اخبار بازار انارکلی لاہور

چھاپن والے _____ جدید ادب پبلی کیشنز خان پور

تعاون _____ ممتاز اکیڈمی بھٹہ واہنٹ

کل _____ چھی مد پتے

PDF By: Ehsan Awan

Cell No.: 0345-8711418 , 0302-7642151



اباچی دے ناں

جے ماء پوی کوں بھل ویسوں
تاں کٹھاں وانگوں رُل ویسوں

قصر میاں الہی بخش سراوی لیکھی

لہی شہر



فهرست

- ۸ غزل های سرودنی در ۲۰ ج
 ۴۰ ۱۵ غزل در ۱۰ ج

گفتار
 سرودنی غزل
 (عبدتقدیری)

غزلون

- ۲۱ شید (نعل جعوی)
 ۲۲ نقوی (احمد پندی)
 ۲۴ قیس قدیدی
 ۲۸ قضا و حیدر دالام
 ۳۰ غزلیه شام
 ۳۲ محمود نواز راجم
 ۳۳ شیرناطی
 ۳۴ عالم فہم
 ۳۸ قدیم ملک
 ۴۱ عالم تر کسوی
 ۴۲ قیوم کھوسه
 ۴۴ پر دین غزلیه
 ۴۷ نیاز حبیبی کھویرا
 ۴۹ لبشیر نغوار
 ۵۱ جمشید احمد کمر
 ۵۳ جعفر بلوچ
 ۵۴ قلمبر احمد آتم
 ۵۷ شفیق عالم
 ۵۸ حیدر تقدیری

کسی نقوی
 کیف (نعل)
 و بانج رحمانی
 صدیق عالم
 دکان سوکشی
 خانان آکبادی
 دل شیر ساجد
 سلیم رحنی
 دلاور بلوچ
 دستان یاد
 فرحت نواز
 عبد اللطیف لطفی
 سیف (شیر)
 حافظ علی شاعر
 شقایق شمر
 اجمار دیوئی
 پر دین کس
 طلعت محمود
 جی (عالم و حسن)

گفتگو !

اج توں کچھ ورہے پہلاں سرایتیکی اپج تنقید دا خانہ اصلوں خالی ہا۔ دل کچھ لوکاں نے ہمت نال کم گدھ جاتے ایں طراں سرایتیکی تنقید دا مڈھ بدھیج گیا۔ میڈے نزدیک ایں ویلے سرایتیکی تنقید اپج سب توں اہم ناں سیس م۔ ی۔ قیصرانی دا ہے جہاں دی علمی بصیرت تے تنقیدی بھارت دا ایں غائبانہ طور تے نیار سدھاں تے میڈے دل وچ اہناں دا بہوں احترام تے محبت ہے۔ پچھلے ڈیہاں سو جھلا نمبر ۱۶ اپج اہناں دا اک تنقیدی مضمون چھپا ہا۔ جیندے وچ اہناں نے سرایتیکی زبان دے مزاج تے غزل دی صنف دے مزاج دا جائزہ گھن تے سرایتیکی اپج غزل گوئی کون مسترد کر دتے

اے مضمون پڑھ تے میگوں خیال آیا جو اسا ڈی سرایتیکی تنقید اپج امن تیں صحت منداختلاف رائے کہن یا اوکوں بشاشت نال قبول کہن دی کوئی واضح روایت قائم نہیں تھی۔ کیوں نہ میں ایں سلسلے وچ مڈھ بدھ تے گوشش کر ڈیکھاں۔ چنانچہ قیصرانی سیس دے اوں مضمون دے جواب اپج دل میں وی کہ مضمون لکھیا تے ہن قیصرانی سیس دا مضمون۔ میڈا جوابی مضمون تے دل غزل دی اہمیت دے حوالے نال سرایتیکی دے اہم غزل لکھن آلیں دیا چو نر و ہاں غزلاں دا اک انتخاب حاضر ہے۔ ایں انتخاب دے سلسلے وچ میں گوشش کیتی اے جو جتنے وی اہم غزل گو شاعر ہن ساریں دی ہک ہک غزل ضرور مثال کر گھنل میڈے اپنے علم دے مطابق سارے اہم ناویں وچوں ہک رشید قیصرانی سیس دا ناں رہ گئے۔ اہناں دی غزل نہیں مل سگئی۔ جے اہناں دی غزل مل دیندی تاں ایں انتخاب وچ مثال ہرندی۔ (ہن ناں رشید قیصرانی نہیں کون بگڑ دی ہیں ڈے بگڑے) قرآن مجید دے ناں وی رہ گئے۔ رشید عثمانی۔ شمس محمدی۔ رفیع احمد پوری۔ پر اہناں توں علاوہ دی جے کوئی اہم ناں چک گئے تاں میڈی طرفوں ایں کوتاہی تے معذرت۔ میں یقین رکھینداں جو سرایتیکی ادب دے سارے پڑھے لکھے قاری نے خاص طور

تے سیں م۔ ی قیصرانی این منتقر جیہی کتاب کوں خوش دل نال قبول کر لیں چے بازی دی فغانا نام
 کیتے بغیر اختلاف رائے و احق التنبہ ہر کسی کوں حاصل ہے تے میں وی کہیں سنجیدہ اختلاف رائے
 کوں علمی سطح تے خوش آمدید اکھیاں۔ کتاب دے آخراچ میں فن دے بارے اپنا ہک
 مضمون وی شامل کریندا پیاں تاں جو فن دے بارے میڈی سوچے دا زاویہ کہیں نوں اوڈنر
 ناں رہے۔

آخراچ اللہ مولا پاک دا شکر پڑھن وی ضروری سمجھاں جیہڑا میں جیسے نالائق
 کوں بعض اپنے فضل، اپنے پیار تے اپنی رحمت ناں اے علمی تے ادبی مقام ڈھنڈے بیان
 ترتیب وی ڈیندا ہے۔ میں اپنے عجز تے نیاز نال اللہ مولا پاک دا شکر گزار ہاں

۲- ی۔ قیودنی

غزل شریکی دامزاج

غزل عربی زبان والفظائے حنیفاً مطلب تہمتیں نال کالھ ہار یا ترمیمیں دے وٹھپتیں
 عشق وغیرہ دے متعلق گفتگو تیں یا دل غم رایت تیر، پیالہ و شراب دی کالھ بات، شامری دی
 ایں صنف وامنڈھ عربی زبان اپج بدھا گیا اسلام دے آوان کنوں پہلے عرب دے شاعر غزل
 کنوں زیادہ قصیدے کوں استعمال کریندے ہن، پر و فیس آربری دے مطابق عرب بڑیل
 دے غیرت ادب سنگی کج نو ریکج کیں چھڑا قصیدے دج اگیا با۔ البتہ جڈن عرباں کوں ترقی
 یافتہ تہذیبیاں نال واسطہ پیا تاں صورت کجھ دیکج گئی اوی خلافت دے چھیکڑی تیں عباسی
 خلافت دے موہریں سالیں اپج ایں ادب دے تاریخ دانوں کوں قصیدے دی فارم
 اپج، مگر مختصر غنائیہ منظومات زیادہ تعداد اپج ملدن (قصیدے دی فارم اپج ایں مانگوں
 جو ایہہ منظومات قافیہ دار ہوندیاں ہن تیں مختلف دزناں اپج لکھیج سگیندیاں ہن مگر
 CONTENT اپج ایہہ منظومات قصیدے کنوں ایں طرہاں ہٹ کے ہوندیاں
 ہن جو ابنا دہر شعراں اپج تیں مکمل مضمون ہوندا ہاں جیہ کہ قصیدے دج ہک وحدت
 موضوع ہوندی ہے) ایہہ مختصر غنائی تے عشقیہ منظومات غزل دے ناں نال مشہور تھئے۔
 شریک اپج ایہہ موضوع زیادہ ترمیمیت، عشق، سن، شراب، پیالہ وغیرہ وغیرہ ہوندے ہن
 عربی زبان اپج غزل دے پوں وڈے وڈے مثلاً ابونواس، عمرو بن ابی ربیعہ، جریر،

فیروز دقتیں ہے ان کثرت استاد شاعری دے ناں آندن عرباں کنول غزل فارسی اچ
آن دڑی فارسی اچ غزل دے پرانے شاعریں وچوں رد و کی، دقیق، شعری، البوالفراج،
رومی، مسعود سلیمان تیں انوری وغیرہ شامل ان۔ فارسی غزل داتاچ، حافظ شیرازی اے
جمیدے برابر دا غزل گوشتا مر شاید حالی تیں پیدا نیس تھیا۔

برصغیر پاک و ہند اتیں مسلمان بادشاہاں دے قبضے ناں غازی با آتھال آلی تیں اپنی
صنعت سخن سمیت آلی دربار تیں اشرافیہ (ARISTOCRACY) دی زبان ایہا فارسی زبان
ہئی مگر برصغیر دے مقامی لوکاں دیاں لوبیاں ادھے بن جیرھیاں صدیاں کنوں اتھوں دی
بھونیں تے دھرتی کنوں جیاں بن انہاں وچوں ہک انری ہندوستان دی وادی گنگا جہنا
دی بولی ہندوستانی یعنی اردو ہائی چنانچہ جیرھلے مسلمان بادشاہاں تیں اشرافیہ نے اپنی کالھ عام
لوکاں تیں رعایا توڑیں سجادن شد و ع کیتی تاں فارسی دے علاوہ ہندوستانی زبان دی
استعمال کیتی مگر رسم الخط عربی فارسی دا ای رکھیونے ایں توں علاوہ مسلمان اشرافیہ نے اپنی
کالھ مہاڑیں تے گفتگو دے ذریعہ ہندوستانی بولی وچ فارسی، عربی تیں ترکی دے لفظ
گھسور ڈٹتے۔ رہی سہی کسر مسلمان شاعراں نے پوری کر ڈتی جنہاں ہندوستانی وچ عربی
تیں فارسی تیں ترکی دے لفظاں کول خوب وار ڈتا ایندا نتیجہ ایہ نکلتا جو کجھ عرصے
بعد ہندوستانی بولی اتیں عربی تے فارسی دا اثر پھوں زیادہ تھی گیا چنانچہ ایہ بولی ہندوستانی
کنوں اردو اکھو کھن پئے گئی جیویں جو اتلی سطران وچ عرض کیتا گئے اردو اتے مسلمان
بادشاہاں تیں اشرافیہ دے سانگے عربی تے فارسی دا پھوں زیادہ اثر پئے گیا۔ چنانچہ
اردو شاعراں نے شاعری وچ عربی تیں فارسی نام (FARSI) سنگ درتیا ایں طرحاں
غزل اردو وچ پئی تیں اردو شاعری دی ہک پکی تے مستقل صنعت بن گئی۔

انگریزاں نے جیرھلے پنجاب تیں پاکستان دے جنھاں علاقیاں اتیں قبضہ کیتا
تاں انہاں نے اتھوں دے مقامی لوکاں دا ذریعہ تعلیم اردو مقرر کیتا۔ چنانچہ موجودہ
پاکستان اچ اردو رابطہ (LINGUA FRANCE) تیں تعلیمی زبان بن گئی
ایندا نتیجہ ایہ تھیا جو مقامی شاعراں تے ادیبان نے (باجو دایں کالھ دے جو
انہاں دی مادری زبان اردو نہ ہئی) اردو کول اظہار و ذریعہ بنایا۔ پاکستان
دی آزادی توں بعد اے حالت مزید پک گئی مگر بولیں بولیں مقامی زبانیں

دی اپنی ہستی منو ادن دا اہر شروع کر ڈتائیں پڑھے لکھے شاعر حضرات نے اپنی اپنی مادری زبانوں بڑے توجہ ڈتی۔ پھل پھل کوڑا تیں کھہورا ایہہ بے بوائے شاعریاں دانشور پوری طرحاں اردو دے کن کسراچ پھٹے ہوئے ہن پنا پنے شاعراں نے اپنی مقامی زبانوں دچ ہو ہو اردو دیاں فارم (FORMS) استعمال کینیاں۔ ایہہ حالات ہن جنھاں دے دچ سرائیکی شاعراں نے غزل دی فارم استعمال کیتی۔

سرائیکی دچ غزل دامامنی کوئی خاص قابل ذکر نہیں۔ اتلی سطران دچ اکھیا گئے جو غزل عربی کنوں فارسی، فارسی کنوں مسلم ہندوستان دے پایہ تخت دہلی، دہلی دے حوالے نال اردو زبان اچ تیں اردو کنوں سرائیکی دچ آئی ۶۔ سوال ایہہ پیدا تھیندے جو کیا اساطی سرائیکی دی دشت، تانا پٹیا تیں مزاج غزل کون سباندے یا کوئی ناں؟ ایں سوال دے جواب دیتے سرائیکی تیں عربی دی دشت، لغتیں تیں حرفیں دے ماترے تیں وزن کون ڈیکھنا پوسی۔ ماہرین لسانیات عربی کون (SEMATIC) سرائیکی کون ہندوستانی زبان ادن (سرائیکی دی بناوٹ تیں دیکھری دچ درازی اثرات دے امکانات کون اکھاں توں اوڈھری کیتا دینچ سگیندا) ایں ساگوں انھاں ڈوہاں دے لفظاں دی بناوٹ تیں انھاں دے ماترے دچ فرق ۶۔

عربی دے لفظاں دچ زیر، زبر، پیش، شد، مد، جزم وغیر پوری طاقت نال استعمال تھیندن۔ مثلاً زیر دی جاہ شد یا یک الف دی جاہ الف مد لاڈیون نال لفظ دامنی تبدیل تھی دیندے ابدا مطلب اے قہا جو عربی زبان دا ہر لفظ یک خاص وزن تیں ماترے رکھیندے، ایں ساگوں عربی سائے غزل کان پہوں موزوں ہائی جب کہ وادی سندھ دیاں زبانوں سندھی، ہریانگی، پنجابی وغیرہ دی ساخت غزل کیتے مناسب کائے نی کیوں کہ انھاں زبانوں دے اکثر لفظاں دے وزن تیں ماترے دا دھم گھائے کنوں ماورا نہیں ایہہ خزانہ کجھ حد تہیں صحیح، مگر ایہہ حقیقت ۶ جو اردو دے ادیبان تیں اہل زبان دانشوراں نے تھوڑے جھپیس لفظاں توں سوا باقی سارے لفظیں دے وزن تیں ماترے

مقرر کر دیتے ہیں،
 سرایت کی زبان دی بناوٹ ہیں ایندے لفظاں دے نظر یے کور
 سمجھا دن کیتے پیٹھوں غزلاں دے کجھ شعر ڈتے دیندے پن انہاں کنوں اندازہ
 تھیس جو کجھ مخصوص لفظ دا وزن نہیں ماترہ کجھ مصرعے اپج کجھ وتے پچاچ کجھ ایس تیل علاوہ
 شاعراں نے شعری ضرورتاں کان بعض لفظاں کور خوا مخواہ پھیلے تائیے نے
 لمبا کیتے یا دت غیر ضروری حدیں گھٹائیں استعمال کیتے۔

۱۔ کئی صدیوں دی مسافت ہے کیوں طے تھیس
 میڈے وجود توں گھن کے تیدی نگاہ توڑیں
 (اقبال سوکڑی)

۲۔ جے روح میڈے تیدی آم شام پارت ہی
 اے نامراد مسائیں پچ گئی پناہ توڑیں

۳۔ میں اوفندکار ہاں اقبال کچھد انہیں جیں کور
 میڈے مظلوم فن دے ارتقا کور شرم آندی

اقبال سوکڑی سرایت کی غزل دا سرکھ ہواں تے نمائندہ شاعر ایہہ اتلے
 ترانے شعراں دی ونکی پیش کرن دا مطلب ایہہ نہیں جو خدا نخواستہ اوندے فن
 اپج کوئی خامی عجبنا اشارہ تھیندا پئے (تارکین کنوں ارداس جو گالھ مہار دے
 تناظر کور ذہن اپج رکھن) اتلے ترانے شعراں وچ لکیر لگے لفظ غور منگدن۔ مثال
 کان پہلے شعر دے پہلے لفظ "کئی" دی "ی" دے ماترے تریکے شعر دے لفظ
 "کوئی" دی "ی" کون تقریباً ڈیڈھے ان جب کہ ڈوہیں لفظ کجے معنی اپج استعمال
 تھیندن۔ ایس طرحاں تریکے شعر دے لفظ "نہیں" دی آخری "یں" دے ماترے
 عام سرایت کی لفظ "نہیں" کنوں بہوں زیادہ جودن تاں شعر دا وزن پورا تھیندے
 نہیں تاں شعور وزن کنوں نکل لسی ڈو جھے شعر دے الفاظ۔ میڈی تیدی (توڑیں عام
 بول چال اپج کجے وزن دے ہن) دے ماترے میں وزن جے تائیں گھٹ ودھ دیتے
 دہن شعر جے وزن بھئی دیندے۔ اقبال سوکڑی دے ایہہ ترانے شعر حص مثال ڈیون

سانگوں پیش کیتے گئے ایندا مطلب ایہہ ہرگز نہیں جو اقبال نے جیں طرحاں تیں ہرے وزن، مترے وچ انھاں لفظاں کوں دریتے اونملطہ، بلکہ اصل صورت ایہہ ہے جو اقبال نے انہاں دے مترے گھٹائے ودھائے ایں سانگوں ان جو انہیں سرائیکی لفظیں واکوئی وزن متعین یا مقرر نہیں بلکہ شاید متعین تھی نہیں سگدا کیوں جو سرائیکی دی بناوٹ غریبی کنوں (DIAMETRICALLY) مختلف ہے سرائیکی نزل دے سرکڑھویں شاعریں دے کلام اچ لفظیں دا ورتار اڈھا وچ سگندے۔

۱۔ جن کنوں میگوں بچا وودو کتو، منت منو
باز جی دامیگوں ہستی کنوں بار اگلے

(قیس فریدی)

۲۔ ”میگوں“ دالفظ ڈوباں مصریاں وچ انجوانج ماتریں وچ ہے
وت کہیں سوہنی کہیں مہینوال کوں کارا ڈٹے

(سرور کوہلائی)

۳۔ میں ودا جیندا محبت دے سہارے دے سوا دے
روزن پورا کرن کیتے مصرعہ ۲ وچ ”لفظ کہیں“ دے مترے ددھان تے
مصرعہ ۳ دے لفظ ”ودا“ کی شند لہاون ضروری تھی گیا ہا

۴۔ کیوں باندھا پایا میں ڈیکھ تے جھاں آتے کوٹ دی
بچ وچ ایہہ بھیاں کندھیاں ہنی اجھو ڈھان تے

(ریاض رحمانی)

۵۔ ”پیادی“ ی۔ دا وزن ہوں گھٹا ڈٹا گئے جب کہ ”کندھاں ہنی“ دے لفظاں دے
درمیان چھوٹا کلا گھٹ ڈٹے گئے تیں نال ای، ہنی، دی، ”ی“ کوں ودھایا گئے
کئی دستیاں دھپ اچ اساں ٹڑیاں ہویاں ڈھیاں
مرجھا گئے ہن تاں تیڈیاں یا داں دے کنول تک

(رشید عثمانی)

۶۔ کی وفت دے لفظاں وچ ”یاں“ دا وزن کتھاں میں کھتے کتھائیں کچھ ہے

اوتاں ہک تلھا کنڈا ہا پر دین
جیر حاکا پیا ہا کلاباں وچ

(پروین عزیز)

خارا خرا خراں خاراں دی کر نہ کالھ توں
جو شتر پھلاں کیتے میں نال نشتر ڈیکھ گھن

(نشتر غوری مرحوم)

فہرست برآچہ سماں، تیں، پیا ہا، دے وزن غیر معمولی طور تے گھٹا ڈتے گھن۔
شعر برآچہ عربی دے لفظ "شتر" نال سرائیکی لفظاں والا سکوک تھے "لفظ
کیتے" کوں درتیندے ہوئیں "یک" تیں، ت، دی دہلی، ای "کو حذف کر ڈٹا گئے"۔
ایں سرائیکی دے کجھ سر کر ڈھویں غزل گو شاعریں دے کلام دچوں محض و نگی
سانگے شعر پیش کیتے گھن انہاں کنوں اندازہ تھی سگدے جو فارم دی حد توڑیں سرائیکی
زبان دی بناوٹ اتے غزل دیاں عروضی ضرورتاں آپت اپچ سوکھیاں فی ٹھہندیماں
ہن ذرا نفس مضمون (CONTENT) دے حوالے نال کالھ تھی دینے۔ سوال ایہہ
ہے جو کیا غزل داسیڈیم سرائیکی دے فنکار کیتے اتلا پو لھا سوکھا ہے کہ جیندے ذریعے
فن کار اپنا مافی الضمیر اپنے جذبات تیں اپنی کالھ قاری تیں بچا گئے؟
کیا آج دے دور اپچ غزل انھاں گنجل تیں ادکھے سماجی حالات تیں ڈیہو ڈیہنہ دے
تفادات دے نتیجے اپچ پیدا تھیںون آے نویں تیں نویکے خیالاں دابار چا سگدی؟
انھیں سوالیں دا جواب ڈیون سوکھا نہیں مگر عام مشاہدے توں اے ظاہر تھیندے
جو غزل سرائیکی فنکار کیتے کوئی اتلا چنگا میڈیم نہیں ایں توں علاوہ چونکہ غزل اردو
دی واٹ سرائیکی اپچ آئی ایں سانگے سرائیکی غزل محض سرائیکی لفظیں دا چرلا
پاتی ہوئی اردو غزل اے۔ سرائیکی غزلاں ڈیکھ کیں اے ظاہر تھیندے جو سرائیکی
غزل گو سوچ پیدا اردو وچ، ہمیں دل سرائیکی لفظ گول گول کیں ہک ربخشی شے تخلیق کریندے
جیرھی سرائیکی مزاج کنوں مختلف ہوندی، ایں توں علاوہ سرائیکی غزل گو اردو،
فارسی تے عربی دے لفظ بناں ضرورت درتیندے جنھاں دے نال ادندے نال
ادندے شعریں وچ رعب داب نہیں پھون پجات تاں آدیندی، مگر سرائیکی دی سٹھاس

سرائیکی زبان، لاکو لاکو لاجتہ تیں سرائیکی مٹی دا نمایاں تیں جھک نوانی نہیں آندی ۔
 سرائیکی عوام نے دی بن توڑیں غزل کوں نہیں قبولیا ۔ ایں وعدے واثوت اے جے
 جو ان پڑھ توں ان پڑھ سرائیکی کوں دی ڈر ہڑہ، کافی، نظم، رباعی، وار، گکڑو، چچلا، گھمیر
 دہڑو، داکوئی، نہ کوئی پول ضرور زبانی یاد ہوئی انہیے الٹ کوئی پڑھیا لکھیا سرائیکی دی ایجیا نہ ملی
 ہیں کوں کوئی شعر یاد ہوون ۔ پھڑی ایں کالھ کنوں سرائیکی غزل دے عوام اپن آواز دوا
 تے لگے ایں بحث کنوں ایہ نتیجہ کڈھیا دینچ سکندے جو نارم تیں کنٹینٹ، ڈوہاں، حوایاں
 نال سرائیکی تیں غزل اپن اچ فی ٹھہندیان ۔ اس اڈے شاعری کوں غزل دی جاد کئی ہی
 صنف سخن دتنی پورے جیرھی اچ دے گجھل سماجی حالات تیں نت نواں تضاداں دے
 نتیجے اچ نوکلے انسانی جذباتاں تے خواہشاتاں داسو نہنا اظہار کرے تیں جیون دی، گرمی، نال
 پتر، باش، سوچاں دا بار چاون جوگی ہووے :

حیدر قمری

سرائیکی غزل

غزل بک ایچی منفہ ہے جنید اپنا بک فیض مزاج ہے جیہڑا اردے اپنے بک طویل تاریخی
تسلل دا نتیجہ ہے۔ بے شک غزل غریب تے ناری زبانیں دے ذریعے اردو اچ تے ولا سرائیکی اچ
آئی۔ پر ایہہ سارا عمل کیسے مصنوعی طریقے نال نہیں تھیوا بلکہ انہاں زبانان نال غزل دی فطری تم آہنگی
دے نال ای سارا عمل تھیانے اوں فطری انداز نال ای عمل دا ارتقاء تھیندا پئے تے تھیندا رہی۔
سیئیں م۔ ی قیصرانی اپنے مضمون "غزل تے سرائیکی دامنراج" اچ ایہہ نتیجہ اخذ
کیتے ہے۔ سرائیکی زبان دامنراج غزل دے مزاج کنوں ابخ ہے۔ ایں واسطے سرائیکی غزل
دی منفہ کون چھوڑ تے اساڈے شاعرین کون کوئی جی منفہ گولشی چاہیدی اے۔

اصل مسئلہ ڈوں آدن توں پہلے میں سیئیں م۔ ی قیصرانی دے مذکورہ مضمون دے
ایں مسئلے توں غیر متعلق پر بک اہم نکلتے دے متعلق وی وضاحت کرن ضروری سمجھاں۔ برصغیر اچ
مسلمانیں دی آمد تے دل اردے بعد ناری ہری، ترکی تے مقامی زبانیں دی آمیزش نال اردو
زبان اپنے ممکنات نال کھل تے سامنے آئی ہے۔ تے اے سارا عمل وی فطری انداز نال تھیوا
سیئیں قیصرانی لکھیندن۔ "مسلمان اشرافیہ نے اپنی کالھ مہاڑیں تے گفتگو دے ذریعہ ہندوستانی
بولی وچ ناری عربی تیں ترکی دے لفظ گھسور ڈتے۔ رہی سہی کسر مسلمان ستاءاں پوری کر ڈتی
جہاں ہندوستانی وچ عربی۔ فارسی تیں ترکی دے لفظاں کوں خوب داڑ چٹایا۔ (سوجھلاست)

قیصرانی سیئیں دے ایں تجزیے توں اے ثابت تھیندے جہاں اردو زبان کیسے معدوم
تے تاریخی صورت بدلے بچائے بک مصنوعی عمل دا نتیجہ ہے۔ اے تجزیہ اپنی فیباد سمیت غلط
ہے۔ اردو زبان اپنے فطری انداز نال ای ابھری تے ایندے وچ مسلسل نکھار ای امدادیند

کہیں دی مصنوعی عمل نال ایندے وچ کڑھائیں دی کوئی تبدیلی نہیں آندی و پنج سکی۔ پاکستان
 بنی دے بعد پاکستان دی اردو تے ہندوستان دی اردو وچ الگ الگ تبدیلیاں آیاں تے
 ایہہ تبدیلیاں برصغیر دی تقسیم دے تاریخی عمل و فطری نتیجہ بن۔ پاکستان اچ کچھ لوکاں نے
 لکھنوتے دہلی دے روزمرہ تے محاورہ دے تحفظ و اسلہ کھڑا کر تے انہاں فطری تبدیلیاں
 کوں رد کن دی کوشش کیتی۔ ایں ساگوں باقاعدہ انجن سازی دی کیتی گئی لیکن کوئی مصنوعی بند
 انہاں فطری تبدیلیاں کوں نہ روک سگیا۔ بیاں کالیں تاں ہک پاسے چار کھو۔ صرف ہک
 لفظ "مواد" کوں تبدیل کرن و معاملہ ای ڈیکھ گھنوں۔ ماہر القادری نے اخباریں تے رسالیں
 دے "مواد" کیتے "مواد" و لفظ تجویز کیتا۔ تے ایہوں را بج کرن کیتے باقاعدہ کوشش کیتی
 گئی جنید سے وچ "جنگ" جیہا وڈا اخبار تے ریس اسروہی جیسے وڈے ادیب دی شامل
 بن۔ پر صرف ہک لفظ کوں مصنوعی طریقے تے را بج کرن دی کوشش دی کامیاب نہ تھی سگی۔
 لہذا قیصرانی سین پہلے اے سمجھ گھن جو اردو زبان کہیں گھن مگھسور تے کسراں کڑھن نال
 بنیں نکھری۔ بلکہ اپنے فطری انداز نال ابھری تے نکھری۔

سرائیکی غزل کوں رد کر کے کہتے سرائیکی نہیں عربی دی وفت، لفظیں نہیں عربی دے ماترے نہیں
 وزن "کوں بنیاد بنانے قیصرانی سین مختلف غزلیں دے جو ایں نال وضاحت کیتی ہے جو سرائیکی دا غزل
 گو کہ لفظ کوں زیادہ چمکیندے تے کہنیں زیادہ گھٹا دیندے۔ پر کمال دی کالھ اے ہے جو
 سرائیکی غزل کوں ادبی بنیاد تے رد کرن دین اڈ کوں خود سرائیکی دی خصوصیت دی دیندن
 اعتراض ہے جو سرائیکی غزل گو کہ کڑھائیں ہک لفظ کوں زیادہ چمکیندے تے کڑھائیں گھٹا دیندے
 پر اے صورت تاں ساری سرائیکی شاعری اچ موجود ہے۔ تے ہک جانے قیصرانی سین کوں اوندی
 ایں اعتراض دی کرنا چاہیے "سرائیکی لفظیں واکوئی وزن متعین یا مقرر نہیں بلکہ شانہ متعین تھی
 نہیں سگدا کیوں جو سرائیکی دی بناوٹ عربی سنوں DIAMETRICALLY مختلف ہے"
 (سو جملہ نمبر ۱) جیسے دلیے اے حقیقت ہے جو سرائیکی لفظیں واکوئی وزن متعین یا مقرر نہیں (تے سرائیکی
 شاعری دی ڈوجیاں صفاں اچ دی ادا صورت حال جیہڑی سرائیکی غزل اچ و تاں دل سرائیکی غزل
 کوں ایں بنیاد تے رد کرن دا کیا مجازہ دیندے ؟

اقبال سرکڑی۔ تبیس فریدی، سرور کہ بلانی، ریاض رحمانی تے رشید عثمانی دے جیہڑے شعر حوالے
 دے طور تے پیش کیتے گھن اوہو قیصرانی سین دے مذکورہ حوالے دی بنیاد تے درست بن دیندن۔
 نشر فوری مجرم دے ایں شعر اچ لفظ "حشر" نے اعتراض کیتا ہے۔

نہ راخرفار بن خاں دی نہ کہ گالیہ توں
 جس شتر چلاں کیتے میں نال اشتر دیکھ گھن
 سین کھیندن "سری دے لفظ" شتر "نال مزیدی لفظاں والا سہول تھئے" (سوجھلائے) بیڈا
 خیال اے جو تیں ہونڈیں ایں شتر کوں سری قرأت اچے پڑھن دی کوشش کیتی اے۔ سری لکی اچے شتر
 جیڑے مفہوم نال امدے شتر غوری نے اوہا مفہوم ادا لیتے انیسے دچے اعتراض آلی کیا گالیہ لے۔ بیڈی عقل
 نہیں سمجھ سگی۔

پر دین عزیز دے شعر حوالے دے طور تے پیش کیتے
 اداں کہت کھا کندا پر دین جیڑا لکاپیا باگیاں دچے
 پر دین دی ایں غزل دے پہلے ڈو شعر ہوں خوبصورت ان تے غزل دی اصل بکری دی ادا
 جیڑا اڈ سدا نہ ہا نقاباں دچے ابج اوچھدا اپنے کتاباں دچے
 ایں بکری چ قطع (جیڑا قیصرانی سین پیش کیتے) تجھوں ادا ای نہیں۔ اوندی بکری بدل دیندی اے
 لہذا اک اوئیں ای بے بکری کوں بطور حوالہ پیش کرنا وی غلط ہے۔ غزل دا مطلع تے مقطع ڈوبا نہیں
 تہاڑے ساس بن بھدا خوجا نرمانہ۔

پر دین دے ایں بے وزن شعر توں علاوہ سارے شعر اپنی جات تے تھیک تھاک ہن۔ مذکورہ
 شعر دے حوالے دے بعد قیصرانی سین نے جیڑا کھیندن "نادوم دی مد توڑیں سری لکی زبان دی
 بناوٹ اتے غزل دیاں عروضی نثرزاناں آپت دچے سوکھیاں تھندیاں" (سوجھلائے)
 معاف کرکے جو سری لکی زبان دی بناوٹ (جیڑا لکاپیا) ادا دے اضافی تے اینا زیدی خوبی ہے
 اتے غزل دیاں ای نہیں پوری شاعری دیاں ای عروضی نثرزاناں زل سوکھیاں نہیں تھندیاں۔ لیکن
 جیویں شاعری دیاں ڈو جیاں صنفان دچے دی عروضی واکوئی مسانہ نہیں بندا ایہیں غزل اچے دی عروض
 واکوئی مسئلہ کوئی نہ لفظیں دے ماترے تے وزن دے بعد کہ جی کاکھ کیتی اے نیں۔ دیکھیا اے
 دے در اچے غزل انہاں گنجل اوکھے سماجی حالات تیں ڈیہو ڈیہو دے تفادات دے نتیجے اچے پیدا
 تھیون آلے نویں نوں لکھے خیالاں دا بار چا سگدی اے "قطع نظر ایں چیز توں جو ایہ اعتراض
 انہیں اعتراض دی ہک گونج ہے جیڑے کلیم الدین احمد توں گھن تے افتخار جالب تک نے اردو
 غزل تے لکیتن۔ میں پورے اہتمام تے یقین نال آکھ سگداں جو انہاں خیالاں دا بار غزل چا سگدی
 تے جیڑاں صنفان انہاں گنتری کیتن ڈوہڑہ، کافی، رباعی، وار، بگڑو، چھلا وغیرہ خود انہیں
 تے اے اعتراض وار دی تھیندے تے سچ دی ثابت تھیندے کیونکہ میں دی صورت حال پہلے کیوں
 بہوں متعلق ایہ صنفان نویں صورت حال نال نمٹ نہیں سگدیاں۔ نویں صورت حال نال غزل

تے کوینظم ہی انصاف کہہ گھن۔

قیصرانی سنیں، فیصلہ دی فرمیں، "سرائیکی غزل محض سرائیکی لفظیں و اچولا پاتی ہوئی اردو غزل ہے۔" — سرائیکی نے اردو کی یاری بہوں پائی ہے۔ جیڑھاں آدو غزل ولی دکنی دے متھوں اپنی اہمیت و اظہار پئی کر چیدی ہی اوں ویلے سرائیکی زبان نے اردو غزل دی بہوں مدد کیتی ہے۔ مثال دے طور تے ولی دکنی دے اہناں چند شعراں وچ خط کشیدہ لفظیں تے غور فرماؤ۔

ادب کے اہتمام آگے نہ پاوے بارواں بگڑے	ترے سائے کی پابوسی کوں گردنگل بایز آوے
و آئی کوں کہنے تو اگر یک بچن	رقیبیاں کے دل میں کٹاری لگے
کیا مجھ عشق کوں ظالم نے آب آہستہ آہستہ	کہ آتش گل کوں کہتی ہے گلاب آہستہ آہستہ
کھولتے ہیں جب اپنی زلفاں کوں	صبح عاشق کوں شام کرتے ہیں

زباں بک بے تے ہمیشہ اثر انداز تھیں دیاں رہن۔ تے بک بے دے لفظیں کوں فطری طور تے جذب دی کریندیاں رہن۔ جیڑیاں زباں اپنے اصل تے پران تے اصرار کریندن اہناں واضح تر سنکرت "آلاتھیندے۔" مختلف طبقے تے معاشرے دے لوکیں دے آپت دے میل ملاپ نال اے تبدیلیاں آون فطرت دے عین مطابق ہے۔ پاکستان جن دے بعد سرائیکی نے اردو وچ رابطہ پایا دھ گیا۔ چنانچہ اب تک اردو والا دن آلا بے سرائیکی نئں دی الا لگے تاں او کوں سمجھ ضرور سگدے تے وستی و سرائیکی الا دن آلا بے اردو نال دی الا لگے تاں سمجھ ضرور سگدے جیوں ویلے عام صورت حال ہے ول کیا ادب اچا دے اندے فطری اظہار کوں ناں تھیں؟ و سرائیکی لفظیں، "اچولا دیکھن دے بعد دی اعتراض کردتاں تہاڈی مرضی۔"

قیصرانی سنیں اگیتے چل تے کھیندن، "سرائیکی غزل گو سوچیندا اردو وچ عیس دیل سرائیکی لفظ گول گول کہیں بک ایجھی شے تخلیق کریندے جیڑھی سرائیکی مزاج کنوں مختلف ہوندی ہاں تون علاوہ سرائیکی غزل گو اردو، فارسی تے عربی دے لفظ بناں ضرورت درتیندے جنہاں دے نال اندے شعری وچ رعب و اب تے پھرت پچاپ تل آونیدی ہ مگر سرائیکی دی مٹھاس، سرائیکی زبان واکولا کولاجہ تیں سرائیکی مٹھی دا نمایاں تیں جک لواتی نہیں آندی۔"

(سوچھلا ۷۷)

رعب و اب تے پھرت پچات آلی کالھاپنی جاتے پسا بدن، "جادو دا جیڑا سرچڑھ تے بولے" میں زباں دے بک بے فطری طور تے اثر انداز تھیں دی کالھ کیتی ہے۔ ایندا ثبوت خود سرائیکی م۔ کی قیصرانی دے اپنے شعراں توں ویل ویندے جیڑا الزام ادب سرائیکی غزل گو کوں

پئے ڈیندن اور اجرم لاشوری طور تے خود دی کئی بیٹھن اٹھال دے مضمون اپجے استمال تھیون آئے
 کچھ لفظ ملاحظہ فرماؤ انہیں وچ انہیں دی بیان کردہ سرائیکی دی سٹھاس کو لا کر لا جتے تے
 وغیرہ وغیرہ۔ "دی تلاش فرماؤ۔ CONTENT" اٹھرائیہ (ARISTOCRACY) فارم
 (FORM) اردو رابطہ (LANGUAGE FRANCE) سائی (SEMITIC) — میں اردو لفظ پیش
 (DIAMETRICALLY) فض مضمون (CONTENT) — میں اردو لفظ پیش
 نہیں کیے مرن انگریزی دے لفظ ان تے انہیں دی خصوصیت دی ہے جو پہلے اردو یا
 سرائیکی اپجے اکھن دل انگریزی اپجے سمجھن ناکر اردو یا سرائیکی اپجے سمجھ نہ آئی ہر دے
 تان انگریزی اپجے سمجھ نہ گئے۔

میں ہر کچھ مرن التالی جواب دے طور تے پیا کھینداں۔ وگرنہ میڈے نزدیک
 معیوب نہیں۔ بال بل ادویں جویں سرائیکی غزل گویا سٹے معیوب کو تھی۔ غزل کون رو کرن
 کیتے آخری دلیل برڈیندے جو عوام نے ایکوں قبول نہیں کیتا۔ اسال ایں مفرے کون تسلیم کر
 بھندوں جو عوام نے غزل کون امن میں قبول نہیں کیتا۔ پر سوال اسے ہے جو کیا اعلیٰ ادبی تخلیق
 واسطے۔ قبول عام کون میاں بننا دینے سگدے؛ اے تان تھی سگدے جو یک تخلیق ادب
 عالیہ دے میاں تے دی پوری اتمے تے موم اپجے دی مقبول تھی دینے، پر عوام اپجے مقبولیت
 کون تان سند نہیں بنایا دینے سگدا۔

ایں ساری بحث دے بعد میں اکھ سگداں جو سرائیکی غزل اپنی زبان دے مزاج نال پوری
 طرح ہم آہنگ ہے۔ CONTENT دے عملے نل دی تے FORM دے عملے نال دی تے
 کیس دی بے حوالے دے نال دی ایندے تے قیون آئے سارے اعتراض غلط ہن۔ ایندے
 وچ اتنی توانائی تے تاب ہے جلے نہ مرن خود کون منوائی بیٹھی ہے بلکہ بہوں جلدی سرائیکی
 غزل سرائیکی شاعری دی آبرو دی بن دیسی۔ اپجے دی صورت حال کون اپجے داسرائیکی فنکار جویں
 ڈیکھا پتے دل اندے جیڑے مسوسات بن انہیں دا بھر پور اظہار غزل اپجے پیا کریندے
 اے تھی طور تے کوئی مصنوعی عمل نہیں بلکہ بلدے مہوئیں حالات تے واقعات دے مطابق
 یک نظری عمل ہے۔ ایں واسطے ایں نظری عمل کون کہیں طرح دی نہیں۔ وکیا دینے سگدا۔

محسن نقوی

یار دے اے زندگی دا تماشہ عجیب ہے
شاغر مسیح عصر، محبت صلیب ہے

محرادی دھپ تے سم کے میکوں آسرا ڈتس!
میڈا پچھاواں میں غلوں وی بد نصیب ہے

ادھن بنڑیا ہے رات والو جھن میڈے کیتے
برڈینہ میکوں عذاب ہے، ہر سمجھ رقیب ہے

لفقیں دتیں بارشیں دی پیمبر ہے چاندنی
اے چپ چپا تا چند غضب دا خطیب ہے

آفر نکھڑنا پوسی زیارت دے سٹوق و پرچ
اوشخص میڈی اکھ توں زیا دھریکے

کنڈھی دے کاغذیں تے کہنیدا ہے شاعری
میڈے اداس گھروا اندھارا ادیب ہے

محسن ہجر دی رات کوں ہنچ دی زکوٰۃ ڈے
سمجھ دی قسم، اے رات ازل تو غریب ہے

بشیر افضل جعفری

شعلہ شعلہ ہے بدن آدم دا
 عمر بارود ہے ایٹم بم دا
 زندگانی دے ہرے زخماں تے
 پھاہا رکھدی ہے اجل ماتم دا
 رُوح دے ساہ مل دے اُتے
 سایہ رہندا ہے سیاہ پرچم دا

ڈیکھ تے آپنے مہرب دی لاش
حوصلہ ڈول گیا رستم دا

خرمی آکے اساڈے دلو پچ
کھول ڈیندی ہے دریچہ غم دا

لیراں لیراں ہے کلی دا بوھپن
زخم کھادھا بے چین موسم دا

پاک نرگس دی پھٹی چولی وچ
کوئی موتی وی نہیں شبنم دا

عقل آدن کوں بے دل ڈیکھتے
عشق مہمان بے کوئی دم دا

کیون انصاری

کیویں لکھاں میڈا سوہنا غزلاں تیڈے نانویں
میکوں حرن دے کالے کھوہ اچ سٹیا درد بھرنویں

تیڈا بھولا بھٹن کیتے اے دی بان مریساں
اکھیں تیڈا راہ کھلیں آنویں یا نہ آنویں
بھولے لوک ان ایہ سوچے کے روز بھاری اٹھن
ستے سیت جکاؤن کیتے کاں کاں کیتی کانویں

ڈکھ ہوا! ایں دنیا دے ہے وڈا جرم ضعیفی
تیڈی مرضی شاخیں کوں توں جیویں ناچ پچا نوں

ہوشبیاں ڈتے توں دگدگھوی جھولی نہیں تھی خالی
ڈکھیں سکھیں تھی گے یارا! لیکھا لانیوں سانویں

تساں ڈسو پیریں تلے کیکوں کیف تڈاں
کیویں ٹراں سٹرکی اتے ستے پین پچا نوں

ریاضِ رحمانی

مکن نہ غم دے پندھیرے تاں کیا غزل اکھاں
 لہن نہ دل دے تھکیرے تاں کیا غزل اکھاں
 چمن ڈوں ڈیدھاں تاں ہر پھل دا ہے جگر زخمی
 ڈہن جو خون دے تریرے تاں کیا غزل اکھاں
 وفادی سرُنی گو نیدی پر مے سازِ بناں
 او دل دے تار نہ چھیرے تاں کیا غزل اکھاں
 میں کتنے وال پوائی بیٹھاں دل دے شیشے تنے
 ملن جے لوک او ریرے تاں کیا غزل اکھاں
 غزال شہر دے لبیاں چو کالیاں سکھ گن !
 دھکن جو اصلوں نہ میرے تار کیا غزل اکھاں

قیس فریدی

زندگی تے موت دے کھدے تاں ہیوں کھاپے اساں

ہک بنے لگدے نئے کتنے ہوں ڈوں چا پے اساں

آس تے امید دی لوتے گئے بل تے وسم

اپنی ہستی کوں سدا ڈیندے رہے کا پے اساں

مست اکھیں دی اوں مچکی جھیل وچہ آراہ شوق

ہک کنول دے پھل دے خاطر ڈھونڈے آپے اساں

زندگی دے کھیت وچہ پک گئی اے ول بڑ کھنڈی فصل

کیویں ٹول کا بنے بدھوں لاپون دلا لاپے اساں

اوتاں ساکوں نہ ملن دی دل تسم کھا دھی دتے

قیس بے پرواہ کوہلسوں کڈاں جاپے اتناں

مدیق طاہر

بن رید سجن دے عینہ ڈکھی
جڑاں آدے آن مو بھادے

اوکھ ڈے ہر گالھ خوشی دی
سب کوڑے من پر چارے
ہک سانول سوغات ڈتی
دل نال ڈتے مٹلاوے

اکھیں دے وچ قطر نہاوے
پرد نیاں بار سہاوے

ڈس روح دا بے سامان کھی
کیوں تیکوں چین نہ آوے
طاہر لوک بگائے نت دے
عیدتاں سجن ملاوے

ممتاز حیدر ڈاہر

خواہش کوں تید کرتے کڈہیں اہمیت نہ ڈے
اپنے بدن کوں حبیل دی کوئی صفت نہ ڈے

کیوں اپنے چہرے گیتے چٹے ہانی کچے رنگ
پہٹ گئیں تان تید ڈی غلطی ہے بارش کوں مت نہ ڈے

جو کچھ دی دل دے وچ ہے اوں کوں استہجار کر
توں خود کوں موسیٰ دی کوئی کیفیت نہ ڈے

برفانہ ڈیوے خون اساڈا ہوا دی ہیل
ساڈے سرس نے ساوے درخت دی چھت نہ ڈے

لمحظ سکون دا کوئی بخشیش وچہ ملے
شاہی نہ ڈے سپاہ نہ ڈے سلطنت نہ ڈے

جیں شکل دی گواہی توں شیشے وی پھر و بنج
حیدر توں ایجے شخص دی لوکیں کوں پت نہ ڈے

اقبال سوکڑی

اپنٹری قسمت دچ ہوا اکوئی حسین جھولا نہیں
ڈھول ٹھیک آبدائیں توں میں کوئی تیزا ڈھولا نہیں

اچ تاں اتنی تیزا چھڑے جو دریا سم گپ
بر کوئی جھنگ نہیں پھیندا پئے کتھائیں اول نہیں

اپنٹریں سوچیں توں نہ ڈراپنٹریں خیالیں کول نہرو
جسم دے ست ماڑتیں سرے کدنی گولا نہیں

میں نیڈی صحبت نبھا چھوڑی ہے کھلے چار ڈنہ
زندگی میڈا ایہو اسراں وی تنہو نہیں

میں دی اپنے دور دایوسف ہاں پد وکدانی
اچ دی میڈی کنڈ پھو کوئی سمیتا چوڑا نہیں

دل کٹا میں نیڈیں حسین یادیں دامرکرا جی
کتنی مدت توں نگر آباد اے کھولا نہیں

عزیز شاہد

تیرڈی یادیں دے سمجھ جو لہہ گئے ہن
اندھا رہے۔ رات۔ بچدے رو گئے ہن

مکانٹراں ڈیونٹرائے ہن جوں دے قلعے
گمہ پلپیاں تے آکے چھبہ گئے ہن
جتناں دی ذات ہئی خود ریم انجسم!
پتہ نہیں کیڑھی چندا پچہ بہ گئے ہن!

ہمائے دشت! تیرڈی جی تلی سوتے
مسافر دے تھکیر دے لہہ گئے ہن

نہ اد گل ہن نہ ار جتاں سقین دیں
فقط بیریں دے چھالے رو گئے ہن
زباں چھلی گئی تھنے ہر نہ نہ زخمی
اے کیندے ناں دے خنجر وہ گئے ہن

چار یوسٹ دی چھہ نیلام کردوں
ستنیے سے نرخ چپ دے ڈھب گئے ہن

غانی اللہ آبادی

بھٹ میڈے چلاؤں پئے گن
 ڈنہہ وصال وے آؤں پئے گن
 شیشے دے کیوں شہراچ یارو
 پتھر دیں دٹاؤں پئے گن

میں تلہتی دی گالہ کیتی ہئی
 یار کیوں پتھر چاؤں پئے گن

اپنا چہرہ ڈیکھاں کیوں
 شیشے دی پتھر اڈ پئے گن
 ہن تاں تیدے میڈے ناپا
 زائد قسماں چاؤں پئے گن

غانی لوک کیوں اتنے سستے
 اپنا پ دکاؤں پئے گن

محمد نواز انجم

دل وچ گھٹا بن تے اٹھی اکھیاں دی دستی پوڑ گئی
ہر پاسے بک چھل بے مگر دل دی اپسایا چھوڑ گئی

درداں دا ہڑاؤ بن گیا ہر پاسے کالی رات ہے
رستہ نظر آندا نہی منزل وی اچ منہ موڑ گئی

برسات دی ایس رت دے دچ ابوسے اوندی یادنی
دل دے غماں دے نال بن اور رشتے تلے جوڑ گئی

ظالم دی ظلمی ہئی نظر کیجھا ڈکھا یا ہس اثرا !
لاگتی اولیے درد دے فکر اں دے کندے پوڑ گئی

انجم کمرن او سمجھ دی ہئی یا کوئی ڈکھ دا تیرہی
سببم دی اکھ ہے ترے برنگل واوی دل او ترور گئی

دل شیر ساجد

سہڑکاں اتے شور مچیناں
گھسکوں ڈیکھ تے چپ تھیویناں

چولے رنگ بزمگے بدلاں
اندروی بنیان لکیناں
سچ آکھاں تاں بھکا مرداں
کوڑوا اٹا گنہ پکیناں

کنڈ پچوں میڈی عارت نعت
جھٹھل رنجے سو نہہ چمیناں
ہر یک دی کمزوری گوللاں
اپنے عیب تے پرے پیناں

پیشے تے میڈو، تک نہ پوزری
ڈاڈھے آگے سر موڑیناں

بے علمی سکول عالم کیتا
ایں زعم اچے تھوڑے بولیناں

مینر فاطم

میڈے اندر کون پوئیدے
جیہڑا راتیں کوں جگ پوئیدے

ہسدے و سدے سڑکاں اتے
کیکوں و دین لوک پوئیدے؟

آخر ساء ترٹ گئے ہن
اپنے آپ کوں پئیدے چئیدے

شہر پر ایا لوک کماؤ؟
کیکوں و لدے مال پوئیدے

عمر اینویں لنگھ وئسی کیا
اٹھدے باندے نیر پوئیدے

سلیم احسن

ٹرداں ٹرداں لو کو سا ہواں مکیاں نے
کڈاں شوق دی لمبیاں رہواں مکیاں نے
شرق دیاں اسے کڈاں راہواں

رکھ دی دھپ پچ بھانڑ بن کے بلدے نے
رٹھائے یارتاں ٹھنڈیاں چھاواں مکیاں نے

مہراں چنڈو رے سڈاں ہتھ نہ آوند آئے
کر کر لمبیاں تھک تھک پامواں مکیاں نے

اڈو پنخ، پول نہ انیویں کیوں ترساندا میں
تانگاں یار ملن دیاں کاداں مکیاں نے

پھلتے باغ بہاراں توں میں گے گھنساں
یار دے باجھوں احسن چھاواں مکیاں نے

عامر فہیم

خواب میں ڈہداں دیگر دیئے
چٹ پدھر تے رتے میکے

منمو منمو پڑھاں قصہ

خالی بوتلاں، خالی ڈبے

بنجوں، بنجوں ڈھانڈھارے

دستی، دستی، پیلے پیلے

موجھ موجھاری دل دی دنیا

سُنجیاں ساکھیں، اُپر اُپر چڑھتے

اکھ نوٹاں تاں ذرہ ڈسے

اکھ بھالائیں تاں لکھ نہ نظرے

گھن آسیں کیا بنس بزاروں؟

خانہ بٹی خالی چھتے

دلدار بلوچ

یاداں دی چانٹی ہے تے تیڈا ابراں ہے
سباون دی رت واچڑھیا مہنیہ دی نال ہے

مناں دے دے دے فتم فی تھیندے اجن تک
اوندا جواب ہے او ہو میڈا سوال ہے

چمدا اں سارے پھلاں چپن تل تلکوں
میڈے سجن دے وانگ ایندازنگ لال ہے

دلدار چپ داچپ ہیں ذرا پول، ڈس تاں سہی
کیا رنج اے، کیڑھی مونجھ ہے کس تے لال ہے

ندیم ملک

میں تباہیوں پیار دی نگری دایزداں چاٹداں
جاننے گستاخ ہاں کیوں جو مہرباں چاٹداں

میں تباہی ہر ادائے جان کوں داری بیٹھاں
نہ نفل نہ رض و سنت نہ حج و کتاں چاٹداں
زخم کھا جو تیغ دا اوں دھار کوں بوسے ڈیوے
ہے جو اعلیٰ ظرف ایجھا میں ادا انسان چاٹداں !

جے اٹھن تاں سب سیارے محور۔ اپنا بھل و بھن
جے تھکن ڈہے ملک میں اونگاہاں چاٹداں

لوک ساجدین تاں ہر دون قبیلہ گارا و گل
میں تاں اپنا قبیلہ نقشب پائے جاناں چاٹداں

برسرِ ممبر تبلیغ، میکدے وچ بادہ نوش
جام ہن جامے اندر طرزِ نقیہاں چاٹداں

طنز کر نہ واعظا میڈی توں مے نوشی اتے
جے تکن پھسلن ملک میں ادا دواں چاٹداں

حوروںے ماکھی دالالچ ڈے، نہ زاید قید کر
 میں پسندھیڑ دغلد کوں دی ہک شبستاں چاٹداں
 پلک صراط و دوزخ و میزان ہن تیرے بٹا
 میں تاں ہر تخلیق دے خالق کوں نگراں چاٹداں

ہے برابر اوں جہاں دھن دان بے پے سن سزا
 میں غریبیں کہاں ایں دنیا کوں زنداں چاٹداں

گل تے بلبل چن چکوری ہک اسل ہن روپ پے
 میں ندیم عالم دا ایراجلوہ جہاں چاٹداں

رحمن یاد

کئی کتنی جو بک لحظہ آدھکھ سکھ ساڈے پھولے با
 ساڈے پیار دی لاچ رکھے ہنال مہر دے پو لے با
 کتھ بے سستی کتھ بے پٹل کتھ پیے کتھ مجنوں پاگل
 کئی تال میگوں تھل بنگل دچ اپنا جان تے گو لے با

روندیں روندیں مر گیا کوئی، ٹردیں ٹردیں مر گیا کوئی
 کون اے روگی جیون دا کوئی آج تال راز چاکھولے با

شمع خور کوں بھاپ لاتے، غفل دے چہ نیر دہاتے
 بجھد نبھوئیں دی ابدی گئی، کئی خون جگر اگھولے با

جیواں کتے تیں یاد مہارے، ڈھیلیاں شاماں کتے تارے
 کوئی تال یاد فخر را بھلیا آدے ہو لے ہو لے با

طاہر تونسوی

گزرے ہوئے موسم نہیں دہمی ہوئی بھامنگدے جلو
بے روالی دے کیتے بے شک رومنگدے جلو

قاتلیں دی بزم وچ سردالوادن جرم ہے
وقت دے سلطان توں زخم دنا منگدے جلو

چپ دی چادر تان تے لکھن دا اے ولیھا نہیں
اپنے موہنوں پول تے اپنی سزا منگدے جلو

شوق خود رہے آہیں رہنمادی لوٹ کیا ؟
منزلیں دی گول وچ رستے جدا منگدے جلو

گذری ہوئی گزراں تے افسوس دا اے وقت نہیں
اکون آلے وقت دی نویں ہوا منگدے جلو

شہر یاریں توں توقع نہیں سیکوں انصاف دی
عدل دی خاطر تیاں نواں خدا منگدے جلو

حق دی کالہ آکھن سیں طاہر امتھاں ہک جرم ہے
دوستو! ہن سر سچا دن دی دعا منگدے جلو

فرحت نواز

ایکھے خوابیں دے عا! میں کوں کتھاں تیں ڈیکھاں
یاد اوندی دا جہنم ہے جتھاں تیں ڈیکھاں

جاگدا بے میڈے دل وچ جیہڑا دھڑکن وانگوں
میں وی تاں اوندے کڈھیں دل دی گتھاں تیں ڈیکھاں

پیسار دی بھاء کوں تاں بالائی آں میں چوری چوری
ہن اے خواہش ہے جو ایں بھاء کوں اتھاں تیں ڈیکھاں

دل دا شیشہ میں کتھاں گھن تے ونجاں ہن و نہرت
پتھر ہر پا سے نظردن میں جتھاں تیں ڈیکھاں

قیوم کھوسہ

کے تئیں سڑاں کے تئیں بھٹیاں کتے تئیں رو فریاد کراں
اوتئیں چین نہیں ملدا جے تئیں نہ تیکوں یاد کراں

پھل دی صورت وانگ لہو ہے بخول وانگوں ہے پڑیاں
ارمانیں دی اجڑی دنیاوت کیویں آباد کراں
پہلے لیر کتیراں ہے ادھر وڑ نہ توں دل دے بخیے
ڈس ہیں دل کوں سوگ تیدے وچ کیویں میں ناشاراں

رات کٹے وچ بھر تیدے دے دے وڑ وچینہ گزیندا ہاں
وچ مستیں . منگاں و عانیں باہر وڑ ناد کراں

اکھیں درد دل نیر دہاؤں تھوڑے ملین کوں سکدے ہن
سٹ گھت یارے رس رسیے کے تئیں میں فریاد کراں

میکوں بڑیکھ قیوم اے لوکی ابدن آگئے پاگل جاہل
سانے آ میں سجدہ کراں دل دی دنیا آباد کراں

عبداللطیف لطفن

چھوڑ مستیاں مندر آگیاں
عشق تیڈے دے اندر آگیاں

رُل رُل تے بک تیڈے درتے !
میں پاو لیں قلندر آگیاں

وچ دربار دے ہتھو حنائی
بن سلطان سکندر آگیاں

لطفن تیڈی مرضی رہا ! !
بھاڑیں کرشن چندر آگیاں

پر دین عزیز

جیہڑا پڑ سدا نہ بانفتا باں وچ

اچ اوچھیدا پئے کتا باں وچ

کھول تے اوندی ذات دے گنجل

خود میڈی ذات ہے عذاباں وچ

جیہڑا سنگتی نہ ہووے بک پل دا

کیویں ڈیکھاں میں اُنکوں خواہاں وچ

آپ اوخو و سدا ب لگدا ہے

جیہ کوں گویا اسال سراہاں وچ

اُنکوں بھل تے تاں ایہو کجھ نیہے

اساں رلسوں ددے خراباں وچ

سیفل اللہ سیفل

حاتم نبڑ سوا لی بیٹھاں
ڈوستھیں میں خاں بیٹھاں

دل دیوچ گھپ اندھارا
یاد دے ڈیوے پالی بیٹھاں

من ہا اپنڑاں میلہ برتن
ہنجوں نال اکھالی بیٹھاں

سمجھ دی اکھوچ اکھیں لکے
دل دی آنکھیں بھالی بیٹھاں

بتھیں پا کے پیار دا تیشہ
پتھر دا دل ڈالی بیٹھاں

سیفل میگوں فخر و ڈا ہے
عشق نگرہ دا دالی بیٹھاں

نیا زحین نکھویرا

توں ای وعدے توں پھر دار ہیوں سین
اساں اچ تیں نہ کیتی تے سوں نیں

اساں ساڈے مزاج بھو لڑے لوک
ساڈے بہن کیتے وی نکھاں جیں

جیہڑا ساڈے سراں دی چادر ہئی
اوں جیہاں ول نہ ملی سردائیں

قوتیں بدل میں تیدے ہونے ہوئیں
ساڈی روحاں دچا لے بدن بھیں

نہ ای دشمن ہیں اساں ہک پے دے
تیدے ساڈی تاں دوستی وی نہیں

کیا خبر ہئی جوتوں دی لٹ گھنیں
اساں بیکار پکڑی تیدے بھیں

حامد علی شاگر

اے کچھ حسین ان جو کو لبوں بلبیدن
پوادیس شیشے دا، پتھر مریدن

اے پانی دے وچ ریت دا گھر بناتے
محبت دی سب کیتی کرتی بوڑھنیدن
میں یاریں کوں دی خوب پر کھیلے جگست
دفن دے بہانے کفن پے لبیدن

بدن وچ تان نظرہ لبودانی رہ گیا
ولااد پے کیوں دیلنے وچ ولیندن

ازل توں ہے دستور اہل جفا دا
چڑھاتے چاٹوڑی دے ڈاکے کیندن

چھڑا اپنے متھیں کوں رنگن دی خاطر
میڈی آرزوؤں پے چٹ تے کوہنیدن

نواں ظلم شاگر ڈٹھم میکدے وچ
ادا نال پیا سے داساغر بھنیدن

بشیر غمخوار

نکما ہے کوئی بھالویں کتھا ہیں کم کریندا پئے
غم زندگی ہراک بندہ تیدڑا ماتم کریندا پئے

میگوں الواد نا پئے گئے خدائے وقت کوں آکھو
منرا تجویز کرہوے خطا آدم کریندا پئے

میڈے نکھڑن وانہ سہی آپنے نکھڑن دا غم ہو سس
اخیرا جو و دے مو بھاتاں کٹیں دا غم کریندا پئے

سنگردیاں ہن بہاراں دیکھ کے تیدڑیں سنگریں کوں

تیدڑے سنجھن دیاں رسیاں ہک ایو موسم کریندا پئے

میڈے دل دی شرارت ہے پیا کہیں دا کر شمنہ نیں

تیکو سرکش بنا چھوڑیں میڈا سر خم کریندا پئے

جے غنچے دا جگر پھٹدے تال او کوں پھل سڈیندن چا

زمانہ اے جیڈے صدے سڑھپا چ غم کریندا پئے

فقیری ویس دل زخمی لبیاں تیں شکر دا کلمہ

ادا سنت پیہری دی اساڈا دم کریندا پئے

مشتاقِ نثر

میں جیندیں کفن اپنا سیتی ددا ہاں
مرن توں مرن پہلے نیتی ددا ہاں

میں تیراں دی نوکاں تے سینے کوں رکھتے
محبت دی معراج کیتی ددا ہاں

میڈا دار دے مال رل گئے ستارا
کیتی سیج توں دل کنڈیتی ددا ہاں

تساں موت جینکوں سڈیندے ہو لو کو!
محبت دی مئے ہے میں پیتی ددا ہاں

میکوں کئی سیتی تاں کتے تیں سیتی
میں دردیں توں میدان جیتی ددا ہاں

میکوں لوڑ کا فور دی نہیں ذرا بھر
میں بے جان بت بننے جیتی ددا ہاں

میں مشتاق ڈکھیں دی ابدی قبر وچ
دفن آپ کوں آپ کیتی ددا ہاں

جمشید احمد مختار

پھل جے کینہیں تو ہاڈے کولوں پھرتاں ہن مارو
تواڈے ہتھ دی کئی شے آوے میں تک میڈے یارو

شیخے دے ایس پیالے کولوں ٹھیک اے سٹی والا
نورٹ جے پودے گھن ای گھندوں نواں شہر نبارو

ایں بیڑی تے چڑھو ناں پئے اے بے پور بیڑندی
مشکل ہے جو سنگھے ایہاں دریا دے پارو

کہیں کون گئی ہمدردی کہیں ناں کوئی کہیں دامخلص
بر کوئی اپنے وار گلیندے ناں کوئی کہیں دے وارو

سچ جے جرم اے کئی دت مجرم ایہو جرم کر لسن
مقتل گاہیں جوڑ کھڑا دو، نویں کوٹ اسارو

سرمد تے منصور داتھہ دل پیا تھیندے تازہ
تواڈے غلام ہن پے اجن کر بل دے سردارو

کتر نشت ہو سی جیکر بچسن گھرو دے ککھڑے

بھادے بھانہ بھلے دے کھڑن ہن تاں ڈیکھ چھاو

اعجاز ڈیروی

دلڑی خادم، غلام باندی اے
ایہہ تیں نوکر نہاڈے ناں دی اے

کیا بھیا توں جو رس گپیوں میں توں
یاد تیدی تاں دل دی آندی اے

جیویں اے یار توں کرپن تیکوں
اوں وی ٹھاندى اے ایں وی ٹھاندى لے

میڈی کوئی کالھ تیکوں نیں بھاندى
تیدی ہر کالھ میکوں بھاندى اے

آجہ مہجور دلڑی خوش تھیوے
آجہ مہجور دلڑی ماندی اے

جفر بلوچ

رواڈ بیکھسوں نارواڈ بیکھسوں
 ڈیکھسی جو ساکوں خداڈ بیکھسوں

عقوبت داڈ ریشگی کیوں کروں
 خطا کر گھنوں وت سزاڈ بیکھسوں

قیامت دی واعظ نہ تکرار کر
 اچھاڈ بیکھسوں سبر نہ کھاڈ بیکھسوں

محبت نری بے دماغی نہیں
 اساں عقل و دل کوں بلاڈ بیکھسوں

اساں سردی ڈلیسوں اساں جان دی
 مگر پہلے کھوٹا کھسراڈ بیکھسوں

دباں یاردی ہے زباں پیاردی
 غزل مولتان سناڈ بیکھسوں

ہنیں جعفر ایٹج تے آونے
 اوشاعر ہے شعلہ نواڈ بیکھسوں

بردا سندھی

کولہ بہو ویں توں کھڑکھڑہیں
دور ہوندیں دی دل وچہ دیں

گولن پھولن والے رل گئے
ڈس نہ اپنا سالول ڈسیں

نیرے نیرے توں دی نیرے
ویرھے ویرھے دیں ریں

تیبڈے برہر باتے دیرے
بردا بھیدائے جائم مستیں!

طلعت محمود

زندگی تجویز کریں واسطے توں خود سزا
اتھ زمانے تاں نہیں رکھی عزت کوڈی تلا

ہیں زمانے وچ جو راس مائی ہے تنہائی میگوں
اے میڈا دستور تیں کشکول چاہناں درا
ہیں زمانے وچ نہیں کندھیاں دی گل لیندیاں میگوں
اچ زمانے دے تاں اے دیوار و درہن بیونا

لوک زیلی ہن اتھاں بس آدمی دے روپ وچ
نانگ بٹ انسان کوں انسان اچ ہے کھا گیا

گئی کہیں دایارنی بس گوڑے ناطے ہن اتھاں
اپنی آئی آپ چا دے وقت اینجھا آ گیا

ظہور احمد آثم قریشی

وچ ہواواں چھوڑ گئیوں ڈیوںے وانگوں پال تے
 ترس وی نہ آیا تیکو فوری میسڈے حال تے
 دیندا ہاں ہوں کوں مناوَن سن دیندے بیکر مٹھا،
 رس گیا ہئی میڈا سانول بک نہی جی بکال نئے
 عشق وی خاطر ہوائی پھڑی کھل تیریز نے
 سوہنی وی مہیوال کوں پاتا جیاتی بکال تے
 دنت دامنصور ہم سولی چڑھیاں سپح آکوتے
 سر نہ رکھیا میں کبڑا ہیں کوڑ دی درساں تے
 ہر کہیں دے غم کوں ہاں دے نال کیوں لیندا و دیں
 کیا تیکوں حاصل تھیںسی آثم ہنساں کوں پال تے

شہیق صابر

یار میکوں قتل کر کھلدا رہیا
ترس کیتا دی نہیں اوں بے دنا

سول ساری رت جگر دی پی گئے
درد ظالم ڈے نشانی ٹر گیا

ہر شہر دستی صلیباں سج گیاں
انتظار اے وقت کہیں منصورا

موت وی منظور ہے فی الحال کجھ
روح کوں تاں انتظار ایسے یادا

اتھ نہیں ہمدرد وی صابر کوئی
یار کیتے ظلم سہنا پئے گیا

جی۔ ۱۰۔ کاوش

آ۔ رچ تے ڈیکھ ماہی اپنے غلام دا گھر
تیں باجوہ اینویں لکدے جویں منام دا گھر
ہنجواں دے ہار پندرے ویلا پیا گزردے
نہ ڈینہہ کوں بھاہے بلدی نہ ڈیواناں دا گھر

جیں پینہہ دی کندھ چاکیتی دلدار جان کچھ تے
کتبڈیاں دی سمجھ بن گے میڈے اسلام دا گھر

گولن دے دچ ذراوی وقت نہ تھیں نیکوں
جتھہ رشتی نہ ہووے سمجھیں غلام دا گھر
کیا تیکوں مل گیا ہے برہ باد کر تے میگوں
خوش تے نہال ڈسدے باقی تمام دا گھر

جیں شخص ہن ونڈایاں الفت دیاں کھڑ سوغاتاں
کاوش کیوں بن گیا ہے اچ انتقام دا گھر

حیدر قریشی

مونچھیں دی شبوئیں دے وچ موسم گھلیج گئے
لفظاں دے وچ کجھ ایس طرہاں جذبے پر صبح گئے

چاتی ودا اجنازہ میں اپنی سنجان دا
خود میں توں میڈی ذات داشیشہ بھنچ گئے
رہ گئی اے کیہڑی کالھہ ہن اوندے یا میڈے وس
دیے دے ہتھ وچوں وی سب کجھ کیہڑے گئے

لنگ چھپ دے وچہ تاں روز و پنجید اتے بھدا ہا
اچ او ہمیشہ واسطے میں توں وینج گئے
مفہوم اوندے نال ہا میڈے وجود دا
او گئے تاں میں وچوں میڈے معنی کٹج گئے
حیدر کہیں دے پیار دا امدائے دل خیال
مجھویریں کوں سوچ تے ول ہاں بھر پج گئے

حیدر قریشی

فن دا اظہار

شاعر تے ادیب لفظیں دے ذریعے، مصوّر رنگیں دے ذریعے، مجسمہ ساز
 بے کار پتھری کون جیندیں جاگدیں وجودیں دے قریب تر بنادن دے ذریعے
 تے موسیقار تلوں وچوں آوازاں پیدا کرن دے ذریعے اپنے اپنے فن دا اظہار
 کریندن بہ سوال دے جے جو شعرا اپنے فن دا اظہار کیوں کر بندے ؟
 لیکن ایں سوال دا جواب گولن توں پہلے اساں اے دیکھدوں جو فن دی
 اصل شکل کیا ہے۔ کیا ہک کاغذ دے اُتے لکھی ہوئی نظم یا افسانہ یا مجسمہ ساز دا
 بنایا ہو یا مجسمہ فن اے ؟ اگر کوئی شاعر یا ادیب کاغذ دی خارجی صورت کول استعمال
 نہ کرے تے کیا اونکوں شاعر یا ادیب کوئے نامینا ویسے ؟ یا کوئی مجسمہ ساز کہیں
 پتھر کون متشکل نہ کرے تے اوں کول فنکار کوئے ناں بنیادیسے جب کہ اوندے
 اندر فن کار دی موجودا ہے ؟ اگہ اساں فنکار کول اوندے فن دی خارجی شکل
 دا پابند کر دیوں تاں کیا ایہ ادبی چیرہ کستی نہ ہوئی فن پتھر اچ کوئی ہوندا فنکار دے
 اتھیں وچ تے دماغ وچ ہوندے فن کاغذ دے مکھیں ہوئیں لفظیں وچ کوئی
 ہوندا۔ فن کار دے داخلی جذبات تے محسوسات اونکوں تخلیق کریندن ۔

اطلاوی مفکر کر دے فن دی داخلی اہمیت دا قائل ہئی تے اوندے نزدیک فن دا
بنیادی محرک خنکار دے داخلی جذبات تے محسوسات ای ہوندن اوندے شاگرد جین ٹیل
نے داخلیت پسندی کون داخلیت پرستی تک پکا ڈتا تے فن دے خارجی اظہار دی
اہمیت کون بالکل نظر انداز کر ڈتا۔ انتھاں ہک مسئلہ تاں ایہہ پیدا تھیندے کہ
جیس ویلھے تک فن دے اظہار دی خارجی صورت پیدا نہ تھیوے تنقید کیویں کیتی ونجے لیکن
اینے توں وی وڈا المیہ ایہہ ہے جو فن دے خارجی اظہار دے بغیر فن پارہ دی بے موت
ماریا دیندے۔

داخلیت پسندی دے ایس نظریے دے مقابلے تے ڈوجھے پاسوں اساکوں
”ادب برائے زندگی“ دے علمبرداریں نال واسطہ پکدے۔ افلاطون بھادیں اپنی مثالی
ریاست اچوں سارے شاعریں تے فنکاریں کون کدھ ڈتا ہا پر او ایں کا کدھ دا قائل ہا جو اکیھیاں
نظمیں لکھیاں ونجن جیندے وچ دیوتاں دی تعریف تے توصیف ہر دے پر او اکیھی شاعری کون
عوام دے ہتھ اچ ڈیون توں پہلے سرکاری منظوری دا پابند کریندا ہا تاں جو اندا کوئی
غلط اثر نہ پودے۔ ارسطو نے افلاطون دے انتہا پسند خیالات کو مسترد کیتا پر اوں دی فن کس
کون زندگی دا پابند کرن دی اہمیت کو تسلیم کیتا۔ ارسطو دراصل ادب برائے زندگی توں ادب
وی طے کر ہلا قدم ہا۔ پر اے حقیقت دی اپنی جاتے ہے جو اے زندگی دی حقیقتیں کون نظر
انداز کریندا ہا۔ بلکہ اوندی بو طینقا دی تعمیر ای مقصدیت تے تھیندی اے۔ عصر حاضر
اچ ادب برائے زندگی دے حوالے نال اساکوں سب توں وڈی پیر تاثیر تے کہیں
حد تک ہمہ گیر تحریک ترقی پسندی دی نظر اندی، گو بحیثیت تحریک ہن اے
تحریک ختم تھی چکی اے پر ایندے ثبت تے مفید اثرات نہ صرف موجود ان بلکہ
اساڈے ادب دے مزاج دا ہک حصہ بن چکن ایں تحریک نے سماجی مسائل کون
اقتصادیات دے پس منظر وچ ڈٹھائے ڈکھایا ایں طرح تحریک بالخصوص علوم انسانی
اچ مقبول تھی۔ برصغیر دے حالات دے مطابق ایندے عمل اسلامی
ادب دی صورت اچ ظاہر تھیا۔ ایہہ تحریک بحیثیت تحریک دی زیادہ
نہیں چل سگی۔ پر ایندے وی اچھے اثرات توں انکار نہیں کیتا ونج سگدا۔
ترقی پسند ادب دالیں وی ادب کون ہک خاص نظریے دا پابند بناون دی

ریشش لیتی ہی تے اسلامی ادب والیوں دی ایہا کم کرن دی کوشش کیتی اختلاف صرف
 نظریات دی نوعیت دہا۔ ارب کون مقصدیت تے افادیت دے پیمانے نال
 ڈوبیں ناپن دی کوشش کیتی۔ اس کوشش دا نتیجہ ایہہ نکلیا کہ فنکار اپنے نظریات
 دا بھونپو بن تے رہ گیا: تخلیق نظریاتی پردہ پگندہ دی شکار تھی تے رہ گئی۔ فن
 دے داخلی تے جمالیاتی پہلوئیں کون نظر انداز کر ڈتا گیا تے تحریک دے منظر
 کون فنکار دی گنجی اچ بھندا بناتے پا ڈتا گیا۔ ایہہ صورت حال دراصل داخلیت
 پسندی دی "انراط" دے مقابلے تے "تفریط" دی ڈوجھی صورت ہے اس حالت
 اچ فن کار فنکار دی بجائے اس اڈے سا میں ہک ماہر معاشیات تے سیاسی
 لیڈر دی صورت اچ ادے یا مذہبی لیڈر تے اصداغ معاشرہ دانہک دل کارکن
 بن تے سامیں ادے لیکن کیا ہک سچے فنکار کون ایہہ زیب ڈیندے؟

اسلہ سن اپنے پہلے سوال ڈ وادوں "فن دا اظہار کیوں کریندے؟"
 اردو ادب دے ہک اہم نقاد ڈاکٹر وزیر آغا اس سلسلے لہج وضاحت کریندن
 تے آکھدن: "اصل بات یہ ہے کہ شاعر ارنگاز کے پورے عمل سے گزر کر اپنی ذات اور
 اس کے امکانات کو اجاگر کرتا ہے اور ذات ایک بحر سیکراں ہے جس کی کوئی نہایت
 نہیں ہے وہ شعور جو عوامی کے عمل میں مبتلا ہوئے اور اپنی ذات کے بطون سے متعارف
 ہوئے انہیں بیشتر رویے سطح سمندر پر تیرتی ہوئی خوب خشک سے مختلف نظر نہ آئے
 میرا ذاتی خیال یہ ہے کہ شاعری میں نظریہ سے کہیں زیادہ اہم وہ زاویہ نگاہ ہے جو
 عرفان کے لہج کا ایک شیریں مثر ہے اور جو ایک شاعر کو بڑا شاعر بناتا ہے۔ یہ زاویہ نگاہ
 شاعر کے پورے جسمانی اور روحانی وجود کا مرکزی نقطہ اور اس بات کو ثابت کرتا ہے کہ
 شاعر کی ذات اندر سے جڑی ہوئی ہے اور باہر سے بھی۔ نظریہ تو شاعر کی ذات کے خلائ
 بالائی حصے کے جڑنے کا منتظر پیش کرتا ہے لیکن زاویہ نگاہ اس کے باطن کے دراڑوں کو
 بھرنے کے بعد وجود میں آتا ہے یہی زاویہ نگاہ جب شاعر کے کلام میں منعکس ہوتا ہے
 تو اس کی جانی میت اور سندرتا اور رکشئی دیدنی ہوتی ہے۔"

ایک صوفی جب (عادرا کے) لمس سے مشاہدہ تو خود فراموشی کے عالم میں ہوتا ہے اور
 خود کو انجذاب کی کیفیت سے بچا نہیں سکتا جب کہ فنکار انتہائی جذب کی حالت میں بھی

جاگ رہا ہوتا ہے فنکار اس عالم میں تخلیق کرتا ہے جو صبح کاذب اور صبح صادق کے درمیان کا عالم ہے جب موتے جاگتے کی سی کیفیت طاری ہوتی ہے لہذا یہ کہنا کہ تخلیق کے عمل میں شعور قطعی طور پر منہا ہو جاتا ہے تخلیقی عمل کو پوری طرح نہ سمجھنے کا نتیجہ ہے۔ تخلیقی عمل میں فنکار جذب کی حالت کے اندر بھی ہوتا ہے اور باہر بھی اور وہ پہلے اٹھلے اور بعد ازاں ابلانے نہیں کرتا بلکہ اندر کی کیفیت کو محسوس کر کے کسی نہ کسی میڈیم سے نا دیے اسے ایک ایسی نئی صورت میں ڈھالتا ہے جو اس سے پہلے موجود نہیں تھی جب تک کیفیت یا اس صورت پر نہیں ہوجاتا آپ اسے فن پارے کا نام کیسے دے سکتے ہیں۔

(جہاد بشارت)

فن دے اظہار اچ داخل تے خارج دے توازن دی کالہ وایخ تھی گئی اتے اے حقیقت دی کھل تے سامیں آگئی کہ فنکار نظریات داپا بندی ہوندا او یقیناً اپنے ماحول تے اپنے معاشرے توں بیگانہ تھی سگدا پرچہڑے حالات تے تجربات توں او گنور دے تے دل ادحالات تے تجربات اوندے اتے جو اثرات مرتب کریندن انہیں دانکارانہ اظہار ای اوند ااصل منہ۔ دل بھانویں اوندے ایمانیات و احصہ ہوندے ہوئے کوئی دی نظریہ اوندی تخلیق اچ موجود ہووے اسان بے شک اوندے نظریے دی صداقت وے انکاری ہوں پر اسان اوندی تخلیق دی سچائی و انکار کوئی کس گیسوں۔ اقبال نے فیض ایں سلسلے دیاں ڈوں اہم مثالیں بن بے شک اقبال اسلام پسند ہی تے فیض ترقی پسند، پر انہاں نے اپنی شاعری اچ نظریات کو ڈھونڈ لا کم نہیں کیتا بلکہ انہیں دے تجربات تے مشاہدات جیوں دیلے انہاں دے لاشعور تک پہنچ گئے تے دل اتھاؤں انہاں نے اپنا تخلیقی سفر شروع کیتا تے انہیں دی تخلیقی صداقت کوئی چیلنج نہ کر سگیا۔

اسان اپنے لوک ادب و اجازہ کہوں تے حفست خواجہ غلام فرید، حفست سلطان بابور، بابا بلھے شاہ، خوشحال خاں منک، دارت شاہ تے شاہ عبداللطیف بھٹائی جیوں عظیم فنکارین کوں ڈیکھدوں۔ انہاں دی شاعری دے بعض حصے اس کوں اگر سطحی نظر نال ڈیکھاوے تے تاں مذہبی لحاظ نال قابل اعتراض دی معلوم تعیندن گہرائی اچ

دیکھتے تھے اسرار و رموز دے عجیب عجیب منظر نظر آمدن۔ انہاں نے خود کوں کہیں خاص نظریے و اپاہد کو نہ لکھا۔ بلکہ بڑی واردات تے صورت حال نال انہاں واسطے تے اوندے معروضی نتیجے وچ انہاندے جو جذبات تے محسوسات ہن انہاں نے انہاں کوں اپنی عظیم شاعری دے روپ وچ پیش کر دتا۔ زندگی دی حقیقتاں دا ڈھنڈورہ مختلف نظریاتی گروہ پیڈے رہند انہیں دی عظیم شاعری وچ او حقیقتاں دی موجود ہن حالانکہ او کہیں نظریاتی پروپیگنڈہ دی آلودگی دا شکار کوئیاں ہن۔

اچ انہاں دا شمار انہاں عالمگیر شاعری وچ تھیندے جیندے وچ یورپ۔ روس، امریکہ۔ افریقہ تے ایشیادے باقی علاقیاں دے عظیم شاعری شامل ہن۔ حالانکہ اگر نظریاتی حوالیاں نال دٹھاوئے تال انہاں عالمگیر فنکارین وچ زمین و آسمان دا فرق ہے گویا عظمت نظریے دی بنیاد تے نہیں بلکہ فن دی صداقت دی بنیاد تے ملی ہے۔ اسان فن دا اظہار ایس سانگوں نہیں کرنیدے جو اسان ایس نظریے دا پرچار کرنا یا ایس نظریے دی تردید کرنی اے بلکہ اسان نظریاتی پروپیگنڈہ دی گپن توں انج تھی تے اپنے تجربات، مشاہدات تے موجودہ صورت حال توں جو کجھ محسوس کریندوں تے دل ادل ویلے اسان تخلیقی وجدان جو کجھ اسان کوں اکھدے اسان او کوں بیان کریندوں ایہا اسان دے فن دا منصب ہے۔



میدر قریشی

ایم۔ اے

شاعری، افسانہ، تنقید

اردو، سرائیکی

(۱) شفق رنگ

(ضلع جیم یارخاں کے شعرا)

(۲) کرنیں

(بھاولپور ڈویژن کے شعرا)

(۳) سرائیکی غزل

تعلیم :

صنفاں :

زبان :

چھپاں کتاباں :